



隋唐文明

文懷沙 ◆ 主編

第三十二卷

古吳軒出版社

文懷沙 ◆ 主編

隋唐文明

第三十二卷

上海大學「大學叢書」

古吳軒出版社

圖書在版編目 (CIP) 數據

隋唐文明／文懷沙主編；《隋唐文明》編纂委員會編

蘇州：古吳軒出版社，2004.12

ISBN 7-80574-857-8

I. 隋… II. ①文… ②隋… III. 古籍—匯編—中

國—隋唐時代 W. Z121.7

中國版本圖書館CIP數據核字 (2004) 第132009號

責任編輯：尹劍峰 陳雪春

馮立高 穎

裝幀設計：周晨

責任印刷：何潔 蔣家宏

書名：隋唐文明

主編：文懷沙

出版發行：古吳軒出版社

地址：蘇州市十梓街458號

郵編：215006

電話：0512-65232286

傳真：0512-65220750

印刷：江蘇淮陰新華印刷廠

開本：889×1194 1/16

總印張：4027.5

印數：1000冊

版次：2005年3月第1版

印次：2005年3月第1次印刷

號：ISBN 7-80574-857-8/K·001

定價：38000.00圓 (全100卷)

隋唐文明

第三十二卷目錄

隋唐地志輯錄二

桂林風土記一卷

〔唐〕莫休符撰 三

嶺表錄異三卷

〔唐〕劉恂撰 一九

南岳小錄一卷

〔唐〕李沖昭撰 四一

經行記一卷

〔唐〕杜環撰〔民國〕王國維校 五一

蠻書十卷

〔唐〕樊綽撰 五五

唐賈耽記邊州入四夷道里考實五卷

〔清〕吳承志撰 九七

游城南記一卷

〔宋〕張禮撰 二七五

雍錄十卷

〔宋〕程大昌撰 二八五

長安志二十卷

〔宋〕宋敏求撰 四一七

長安志圖三卷

〔元〕李好文撰 四八七

河南志四卷

〔元〕闕名撰〔清〕徐松輯 五一三

唐兩京城坊考五卷

〔清〕徐松撰 張穆校補 五六九

唐兩京城坊考校補記一卷

〔清〕程鴻詔撰 六四九

隋唐地志輯錄

二



〔唐〕莫休符撰

桂林風土記

景印清道光晁氏木活
字排印學海類編本

桂林風土記序

前賢撰述有事必書故有三國志荆楚歲時記湘中記
奉天記惟桂林事迹闕然無聞休符因退居粗錄見聞
曰桂林風土記聊以爲敘時唐光化二年九月二十三
日莫休符序

學海類編



桂林風土記序

遊覽

桂林風土記目錄

桂林

舜祠

雙女冢

伏波廟

東觀

越亭

巖光寺

訾家洲

滴山

堯山廟

東山亭

碧潯亭

拜表亭

夾城

獨秀峰

歐陽都護家

學海類編



桂林風土記目錄

一

遊覽

海陽山

會仙里

隱仙亭

靈渠

甘巖

張天師道陵宅

牂牁水

如錦潭

仙人山

遷鸞坊府郭

菩提寺道林和尚

開元寺霍井

延齡寺聖像

宣州龍開江事

徐氏還魂

石氏燈檠泉

米蘭美績

李給事長歌

宋顏延之

衛國公李靖

中書令張九齡

表恕已

李襲志

中書令褚遂良

桂州陳郁督

張鷟

桂林風土記

唐

莫休符

撰

桂林

按地里志桂州禹貢荊州之域春秋時越七國時服於楚秦始皇二十三年發遣亡古者未有年號至漢武帝方紀年名故云始皇

二十三年賈人掠取陸梁之地爲桂林吳時文士陸宗言昔

帝舜南巡蒼梧秦置桂林南海象郡南越志漢武改爲

鬱林郡以桂林爲縣吳書孫皓鳳凰三年分鬱林象郡

爲桂林又按圖經云吳甘露年號分鬱林象郡爲桂林

學海類編

桂林風土記

遊覽

學海類編

二

桂林風土記目錄

二

遊覽

今以魏書證之甘露乃高貴卿公曹髦所記年號非吳書也古有名人張衡詩云我所思兮在桂林欲往從之湘水深是則桂林爲郡久矣漢祖命周電擊南越南越王趙佗據險爲城電不能喻今靈川全義嶺有越城漢紀有周電爲泗水侯是呂后時非高祖也地里誌云周電未知其詳按史記南越傳高后遣將軍隆慮侯適往擊之

舜祠

舜祠在虞山之下有澄潭號皇潭古老相承言舜南巡曾游此潭今每遇歲旱張旗震鼓請雨多應中有大魚

遇洪水泛下至府東門河際有亭容巨舫往往載起然終不爲人之害舊傳舜葬蒼梧邱在道州江華縣九疑山也

雙女冢

在府城北十里俗傳舜妃尋常卒而葬于此冢高十餘丈周迴二里餘

伏波廟

伏波廟在郭中之東北二里是東漢伏波將軍馬援之祠也

學海類編

桂林風土記

二

遊覽

東觀

觀在府郭三里隔長河其東南皆崇山巨壑綠竹青松崆峒幽奇登臨險隘不可名狀有石門似公府之狀而隘壘燭行五十步有洞穴坦平如毯場可容千百人如此者八九所約略相似皆有清泉淥水乳液葩漿怪石嵌空龍盤虎踞引燭綠涉竟日而還終莫能際相傳云昔有人好泉石多束花果裹糧深涉而行還計其所行已及東河之下如聞裊裊濡濡之聲在其上又有山外高峰舊有亭臺近已摧壞前政張侍郎名固大中年重

陽節宴於此從事盧順之贈固詩曰渡江旌旆動魚龍令節開筵上碧峰翡翠巢低巖桂小茱萸房溼露香濃白雲郊外無塵事黃菊筵中盡醉容好是謝公高興處夕陽歸騎出疏松張侍郎和詩曰亂山青翠郡城東爽節憑高一望通交友會時絲管合羽觴飛處笑言同金英耀彩晴雲外玉樹凝霜幕雨中高詠已勞潘岳思醇歎慚道自車公咸通年前政張大夫重遊東觀詩曰巖岫碧潺湲靈蹤若可攀樓臺烟靄外松竹翠微閒玉液寒深洞秋光秀遠山憑君指歸路何處是人寰

學海類編

桂林風土記

三

遊覽

越亭

在府城北與聖壽寺接連有巖洞庭臺高峰聳碧山穴透出北面因名北牖洞遠眺長江極目烟水北人至此多整鄉思會昌初前使元常侍名晦搜達金貂翺翔翰林揚歷臺省性好嚴治時恣盤游建大八角亭寫其真院砌臺釣榭石室蓮枕流杯亭花藥院時爲絕景于時潞寇初平四郊無壘公私宴聚較勝爭先美節良辰尋芳選勝管絃車馬閑隘路隅金貂從此府除浙東甌越日紫泥遠自金鑾降朱旆翻馳鏡水頭陶令風光偏畏

夜子半衰鬢暗驚秋西鄰月色何時見南國春光豈再游莫遣豔歌催客醉不堪回首翠娥愁別車路單與金貂同年及第和詩一首謝安致理逾三載黃霸清聲徹九重猶輟珮環歸鳳闕且將仁政到稽峰林閒立馬維千騎池上開筵醉一鍾共喜甘棠有新詠獨慚霜鬢又攀龍越亭初成金貂有六十韻長詩曰乏才叨入使徇祿非三顧北闕煩詔條東鄰證迷悞未聞述職效已見脫煩趣灝氣爽衣巾嵐颺輕杖屨

嚴光亭

其餘不省記

學海類編

桂林風土記

四

遊覽

在北羅門外臺亭嚴洞亞於越亭亦是元常侍新置有石碁局爛柯石嶂金貂有五十韻詩云石靜如開鏡山高若聳蓮筍竿抽玉管花蔓綴金鈿

不省記

瞿家洲

在子城東南百餘步長河中先是瞿家所居因以名焉洲每經大水不曾淹浸相承言其浮也元和中裴大夫名行立四子歸之歸仁歸開歸禮庶因獲朝溪也 荆造弓字種植花木迄今繁盛東風融和眾卉爭妍有大儒柳宗元員外撰碑千餘言猶在前汴州楊尚書宴游題詩云桂林雲物畫漫漫

雨裏花開雨裏殘惟有今朝好風景櫻桃含笑柳眉攢新政從事陸宏休詩云新春藥綻瞿家洲信是南方最勝游酒滿百分殊不怕人添一歲更堪愁鶯聲暗逐歌聲豔花態還隨舞態羞莫惜今朝同酌訂他龜鶴與蟬蛸

漓山

在瞿家洲西一名沈水山以其山在水中遂名之古老相傳龍朔中曾降天使投龍于此今每歲旱請雨潭中多有應前政元常侍以其名與昭應驪山音同故遂改爲儀山近歲于此置溫靈廟廟中時產青蛇號爲龍駒翠色或緣人頭頂手中終無患害

學海類編

桂林風土記

五

遊覽

堯山廟

在府之東北隔大江與舜祠相望遂名堯山山有廟絕靈四時公私饗奠不絕北接湖山連亘千餘里天將降雨則雲霧四起逡巡風雨互至每歲農耕候雨輒以堯山雲卜期

東山亭

府之東門有大亭枕江與望月樓接連近子城建豎多

年不記歲月

碧潯亭 去思館是

亭館大初中前草舍人瓊舫造在子城東北隅十餘步
接近逍遙樓角近大江館宇宏麗制作精緻高下敞豁
冠諸亭院去思館舊名青桂館前政吏部張侍郎簾除
替飾裝於此遂改爲去思館韋舍人年十九入闕選進
士舉二十一進士狀頭榜下除左拾遺於時名重縉紳
指期直上馬相爲長安令二十八度候謁不蒙一見後
任廉察桂林纔半歲而馬相執大政尋追懷舊事非時
學海類編 六 遊覽

桂林風土記

六

遊覽

拜表亭

北接碧潯南連望月東甫長河西鄰雉堞前政山北廬
尙書匡添建置

夾城

從子城西北角二百步此上抵伏波山緣江南下抵子

城逍遙樓周圍六七里光啓年中前政陳太保可環剗
造三分之一是諸營展力日役萬人不時而就增崇氣
色殿若長城南北行旅皆集于此

獨秀峰

在郭中居子城正北百餘步高聳直上周回一里餘迴
出郭中下有巖洞舊有宋朝名儒顏延之宅讀書亭後
爲從事所居往往見靈精居者少甯前政張侍郎廢毀
焉

歐陽都護冢

學海類編

六

桂林風土記

七

遊覽

府北郭松逕盡處有國初安南都護名普讀冢墓普讀
靈川人其宅今爲聖壽寺有廟在寺之北下歿後殯于
北郭時有識地勢者言葬所有天子氣由是官掘斷至
夜又有陰兵埽平如舊亂而再掘復平不已時有効役
者人偶宿其所夜聞鬼兵相語曰能以青布運土投江
則我等無能爲也及明主吏聞宿者言遂用青布輦運
土投河竟免陰兵填築今墳所掘處猶存有石人石柱
皆在松楸百餘株近爲樵者斫伐無餘子孫自千數年
湮沒無聞或云訾家洲因運此土流下成洲有歐陽讀

者詩絕句曰舊業分明桂水頭人閒業盡水空流春風日暮江頭立不及漁翁有釣舟

海陽山

在全義縣北及滴湘二水源也流至金義北三百步分流北去作爲湘南下爲滴山下有廟前政陳太保奏錄詔封廣潤侯

會仙里

南去府五十里舊有羣仙於此輜軒羽駕徧於碧空竟日而去里人聚觀壯聞因名會仙里

學海類編 六 桂林風土記

八

遊覽

隱仙亭

本名盤龍岡在府西郭三里與延齡寺甫近寶歷年前使李給事名渤開置亭臺種植花木有池沼巨巖水深無際有鼎蓮洞白雀洞石盆大亭又慶雲亭在山頂朝陽亭夕陽亭連理橋秉燭巡遊時見龍跡大如碗水有靈魚龍腹四足人或誤擒風雨立至山河秀異皆入畫圖作屏障爲信好之珍有從事皇甫湜吳武陵撰碑碣二所給事徵起山中一表薦九賢皆居顯貴給事爲考功郎宰相皆嘗下考以天子巡游蹂禾稼無所獻替故

也除桂林有歎鳥詩曰三朝四黜倦遐征往復皆愁萬里程爾解分飛卻回去我方從此向南行又題隱山詩二首常嘆源泉去不回我今自去更難來欲知一一留心處手種巖花次第開隨雲不厭蒼梧遠似鴈逢春又北飛惟有隱山溪上月他時相望兩依依

靈渠

全義縣灘湘二水分流處相傳曰後漢伏波將軍馬援開川濬濟水急曲折四牙用遏其節節斗門以駐其勢有伏波廟在縣側又按後漢鄭宏奏交趾七郡貢錢從學海類編 六 桂林風土記

九

遊覽

東泛海多沒溺請開桂嶺靈渠後御史史祿重開闢又按前漢武帝元鼎五年命伏波將軍路博德樓船將軍楊僕戈船將軍嚴助擊南越呂嘉戈船出零陵下滴水此則前漢嶺首已通舟楫明矣焉得至後漢馬援鄭宏開靈渠於理未盡言馬鄭重修則可云創闢則於義有乖休符駁

甘巖

在府南八十里大江傍其源出臨川縣界思磨山自水下湧出巖方十餘丈大如屋室莫究其深淺盛暑到彼

凜冽增寒

張天師道陵宅

天師舊宅在賀州道錄以爲元中大法師令以宅爲廟廟中有美異菓實有人食之無患唯不可採取必致禍也

牂牁水

在巖州州門長河其源從牂牁流下八十餘丈本州圖經所載

如錦潭

學海類編

桂林風土記

十

遊覽

縈郡有如錦潭水深無際近歲有人伐潭邊巨木樹倒入潭中逡巡沈沒莫知所在潭中時聞音樂如大角廣延移時而止

仙人山

象州武仙縣多有神仙聚集高山羽駕時見如建州武夷山皆有仙人換骨函櫬之跡

遷駕坊府郭

遷駕坊本名阜財在市西門因曹郭中丞進士及第前政令狐大夫改爲遷駕坊在府西門進賢坊長街因趙

觀文狀頭及第前陳太保改坊名

菩提寺道林和尚

往年中桂州人薛公元常供養一僧法號道林如是精心供養十有餘年忽一日其僧辭去云貧道歸去撓漬多年更無可酬今只有舊轉經一函且寄宅中如至周歲不同即可開轉讀如此經一歲開鎖有金滿函可數千兩後賣一半買地造菩提寺并建道林眞身供養今儀像見存薛今見有孫禹賓在桂林効職

開元寺震井

學海類編

桂林風土記

十二

遊覽

隋曰綠化寺後因紗燈延火燒燬重建元宗朝改名開元寺有前使褚公親筆寫金剛經碑在舍利塔前西有觀音寺井貞元中有李氏因左遷寓居僧院屬暑月以食餘熟羊脾懸井中逡巡雷震暴作羊肉置於隙地而烟氣薰灼犬不食蟻不附至今僧俗厭言井有龍至云愚以理裁有異於此夫龍嗜血肉重牢體人有享祭必選良肉醇酒潔饌珍羞然後精禮甯有一羊脾而迅雷震之者蓋以伽藍井中奉獻諸佛眾僧而遽以肉味羶汚神祈之所是以不容乃致雷擊去理必然矣其井

終水塌壞先令狐相從事當府因撰震井記然以羊微
事曾未移時天鑑已知則人之善惡或愈於此又豈殲
遺於陰報乎昔董卓縱暴爲呂布殺而曝屍其亭後有
故吏收其衣以小棺殯於郡城又遭風雨漂流失其所
在楊國忠以貴妃因椒房承寵綰三十二使印綬天寶
十三載二月拜司空冊命之日天雨土霑朝服未綫族
滅於馬嵬關西楊氏遠四知去三載歷千載而慶延子
孫則禍福無門唯人所召矣故孔明有言勿以惡小而
爲之勿以善小而不爲苟能佩服斯言以神祇爲證則
學海類編 二 桂林風土記 三 遊覽

終身不居有過之地

延齡寺聖像

寺在府之西郭郊三里甫近隱山舊號西慶林寺武宗
廢毀宣宗再崇峰巒牙張雲木交映爲一府勝游之所
寺有古像徵於碑碣蓋盧舍那佛之所報身也此地元
本荆榛先無寺宇因大水漂流巨材至時有工人操斧
斤斫伐將欲下斫忽見一梵僧立在木傍有曰此木有
靈爾宜勿伐旣而罷去又有洗蔬者於其上則浮濯董
辛於其上又沈雅契梵僧之言由是咸知有靈遂刻削

爲僧佛當則天后臨朝之日夢金人長一丈六尺乞袈
裟及詔大臣問其事皆莫能解旋奏陛下旣有此夢乞
依夢中造袈裟懸於國門以俟符驗明早大臣奏懸袈
裟忘收已失遂詔天下求之已在桂州盧舍那佛身至
今尊卑歸敬遐邇欽崇時早請雨皆有響應如意

宣州龍開江事

桂之廢郡有宣州其河如桂州楊江水岸深斗形勢異
於瓊水古老流側近岡上俄頃夫還妻以告之夫疑是
惡人尋至岡所求不見但見百牛旣夜乃還家至明遂
學海類編 二 桂林風土記 三 遊覽

遇水漲流木蔽江合蒼梧耆老盡知之

徐氏還魂

昔西漢武帝有神通之異南朝有千寶述幽府冥祕之
言蘇泉崔詔亦紀靈怪牛丞相著三卷妖錄及徐氏還
魂皆鄙夫鄰居任咸通末莫非日驗方證不誣陽朔居
人蘇太元妻產三子徐已疾終旣殯忽一日還家但聞
語而不見形云其年命未終冥司不錄今且暫歸憐撫
其子補綻其衣一切如在稍經旬月鄰伍旋知占卜吉
凶述善惡一一符驗有鄉人在府充職染疾其家眷屬

請卜之俄頃刻云去至涼風館南地名柘木林遇虎當道不敢過遂卻回卜者情迫堅請再往俄頃日至府見疾者已瘥疑其不實遂問其所居部曲疾人形貌徐氏不曾至府又未識病者一一言之無差異方明其實又有求入卜了謝曰無物奉酬深爲不足徐氏曰汝家有三斗粟子在西房何得稱爲無卜者請取之遂巡負粟子至其前取皆愕然卜者尤所慚恥如此不一難備書述一日言舜帝差人討蠻有人求至近驛助備熟食更一兩日當還如期而歸將得冥司一分細飲致夫前曰

學海類編

桂林風土記

十四

遊覽

石氏射樟木燈檠祟

此飯曷若人閒造者大視之品饌則倍珍於施食又一旦泣告曰無端洩陰閒事獲罪蒙遣追此去難再還好看兒女又泣別遂絕音響太元尚在

開成中桂林禪將石從武居任子城西壕側從武早習弓矢忽一年家內染患疾長幼罕有安者每至深夜常見一人從內出來體有光燄居常令疾者痛苦稍聞若此物至則呻吟聲加甚醫巫醺謝皆莫能効從武心疑精邪爲祟至夜操弓挾箭映戶潛形候其來俄聞精復

至稍近遂發弓引滿一發中焉見被焰光星散而滅遂命燭而看視之乃是家中舊使樟木燈檠中箭而倒乃劈爲齏粉焚爇爲灰遂長河於是家人患者皆愈大中年前政張侍郎名文規三代台相之家嘉貞宏靖延賞廉察桂林從武時職司通引他聞此事曾召問具以實對乃爲石氏射燈檠傳從武子勛在職近方去世孫清諧嗣亦効卑職得金貂傳聞

米蘭美績

長慶中前政李給事名渤字潯之自給事中除桂林奏

學海類編

桂林風土記

十五

遊覽

請名儒吳武陵爲倅故事副車上任具囊韃通詩文數日於毯場致宴酒酣吳乃致詞云奉約同游山水奈何以紅帛繫子首仍命婦女於看棚聚觀相恥既彼我醜顏各爭意氣吳爲臺盤坐褰衣彈露以溺給事恕命衛士拉送衛司臬首時都押衙米蘭知其不可遂引而寢多遣人護衛給事扶歸寢堂夜半而覺聞家人聚哭甚悲驚而問焉乃曰昨聞設亭喧噪又聞命衛司斬副使不知其由憂及禍是以悲泣給事大驚亟命遞問之米蘭具啓昨雖奉嚴旨未敢承命副車猶寢在衙院無苦